

邵陽縣志

新刊
邵陽縣志
卷之四



邵陽縣志卷五

祠祀

文廟

關廟

文昌

社稷

神祇

先農

厲壇

城隍

火神

龍神

劉猛將軍

名宦

鄉賢

忠義孝弟

節孝貞烈

昭忠

附召伯濂溪等祠

歲春秋二仲欽天監先期請於朝諏吉致祭禮官移大府守令亦得遵祀諸神祇有功德於民及可爲軌範者毋少違品式所以慎民事迓神休也顧不重哉祠祀第五

縣祠廟載在祀典及奉勅建者文廟關帝文昌社稷常雩先農厲壇歲隍龍神火神劉猛將軍名宦鄉賢忠義孝弟節孝貞烈昭忠文廟在學宮祭祀悉遵會典文廟春秋二祭原支銀五十兩雍正十三年裁減十兩撥歸長沙府學崇聖祠原支

祭銀十兩乾隆十三年減銀二兩舊又有文廟釋菜銀十二兩乾隆十三年裁

關帝廟在城內

大街雍正十三年知府劉業長建乾隆二十六年知府席葵三十九年

知縣蔣耀宗道光十八年知府晉德布前後修葺

劉業長席葵蔣耀宗晉德布皆

文昌宮在城南天池山下府學故有文昌宮嘉慶九年知縣陶發

源遷此越五年宋大榮續成之

邑人蔣舒惠有記

社稷壇在城西北半里常

雩附焉

神祇壇在城南半里

按漢唐惟祀風師雨師宋中興祀典始有風雨雷師皆未合

祭亦不及雲開洪武二年詔風雲雷雨爲一壇六年益以山川八年又增城隍今制山川居左城隍居右風

雲雷雨居中統名神祇祭銀十八兩乾隆十三年減爲銀十兩

先農壇在城東籍田附焉

田園畝

舊有祭銀二兩五錢雍正十二年詔即田穀供祭

厲壇在城西北一里

舊支銀十

八兩乾隆十二年減爲十三兩舊支折米銀三兩今減爲一兩二錢

城隍廟在城內西南康

熙二十三年知縣王駿劉允元建乾隆二十一年陳景仁重葺

劉允元李

梅有記

火神廟在濂泉側龍神廟卽在其左別院劉猛將君廟在其右

鄒漢勳邵陽重修龍神火神劉猛將軍廟記郡城南隅有泉曰濂泉甘冽甲郡內昔人祀龍神於此雍正五年頒龍神三像於直省令守土大臣虔誠禱祀於是天下水泉池澤之神少有靈異者咸得列於祀典而水旱之有禱也於龍神禮尤重邵陽舊有龍神祠二龍山之龍湫與此濂泉是已龍山雖在宋賜廟額歷元明相沿祈禱不絕而濂泉近在城內獨專龍神之饗云火神廟舊在郡治之南蓋國初新建歷久摧頽康熙癸巳移神像與龍神共龕垂幃以別之是時龍神火神咸爲無文之秩固未有專尊也不廿年而有守土虔奉龍神之詔書則龍神獨尊遲之又久至乾隆時湖南巡撫陳文恭公始檄所屬以春秋仲月上戊祀火神而火神亦爲典祀於是一廟之中神有二尊或曰廟居正南高顯之地於以宅火神也宜或曰廟在濂泉之側爲龍神之舊不可移也郡城之東有砥柱磯焉舊有五顯祠所謂康濟廟也廟側有注生夫人祠相傳爲先媒神明季通守霍公於此弗無子獲所請因崇斯祠我朝湯文正公奏除五通淫祠而五顯以疑似注生夫人祠亦虛乾隆壬午之歲郡伯鄭公以注生廢祠下臨賁水之深潭謂可宅龍神因移奉於此自是吾郡

龍神不在灤泉而在資水之潭而火神始專有此廟焉泊乎道光之初砥柱之龍神廟漸爲風雨所剝落復卽灤泉爲廟而火神龍神又並廟而居皆在灤泉之側矣其時火神廟內又別有財神堂觀音閣則皆時俗相沿之祀非正典也道光甲申郡伯霍公入廟致虔見棟宇傾欹垣墉剝蝕集郡中紳耆謀之罔不忻以廳城內及負郭之廬毋慮數千主者皆輸其租什之一別有樂輸者焉共獲緡錢二千有奇貯之質邸以權子母至道光乙未獲子錢三千餘緡共子母錢六千五百餘緡又增益樂輸錢一千八百緡蓋八千餘緡矣迺伐石掄材購地拓基新正殿以奉火神左右設鐘鼓樓樓前爲長廊廊前右爲土神祠左爲財神閣廟左別院則爲龍神廟焉宮灤泉於廟中泉本懸崖側出因疊石穹其下濬爲井首曰龍首末曰龍尾又爲一池一井分灤泉以周注乎廟中泉則爲龍神殿殿前爲聽學長官奉祀及月朔至虔惕息於此其右有閣二前奉大士後奉劉猛將軍劉猛將軍者元代指揮今頒祀典爲治蝗神吾郡舊未有祠至是邑大夫張君以行省檄新建者也閣後又有聽事一士紳之所惕息也其外皆周之以垣有門有亭有坊門之外復有臺門歲時修祀事則舞於臺臺側之平地皆砌石爲基蓋始於丙申季春而落成於己亥首夏所費近萬緡云嗚呼以一縣之人致力於此經營至十餘年之久爲錢近千萬之多而民皆懽忻鼓舞不以爲厲己是則神靈煇耀

普潤救災捍患之功德淪洽於肌髓而民自不容已也然考之經記火神者熒惑星也在周列於實柴之典故與歲鎮太白辰諸星同祀宋間特異於諸星而殞之天下其特祀而殞之天下也蓋自宋崇甯始宋自以人德王故特崇之至今數百年廢而獨興而湖南特盛則以南方亦火方也龍神者卽月令所云名源淵澤井泉也史記漢書之朝那湫亦其比以吾湘論之龍山名源也濂泉井泉也是皆於法應祀者也詩曰田祖有神秉畀炎火猛將軍其是歟八蜡之祭辭曰昆蟲毋作是蠃螻者八蜡之所司猛將軍宜祀於八蠃者也八蜡之祀不修猛將軍其可少乎哉若夫火神之廟顧宋曰離明殿近世曰乾元宮始以坎離爲乾坤之用雖本乾體也乾元云者謂乾以爲元非乾之元也或曰邵之火神獨靈異於諸方則以南嶽配朱鳥之宅而南嶽實邵陽龍山之所衍云陳大猷何淑亦有記茲不錄

名宦祠在文廟大成門左祀晉邵

陵令潘京元邵陽縣志元明邵陽知縣薛得中何永芳黃惠王永張軌端邵陽教諭符匡訓馮徐良

國朝邵陽知縣陳起元其祀統部官視府學

鄉賢祠在門右

祀晉湘州從事周崎唐武安軍節

度使鄧處訥荆南節度掌書記胡曾宋諫議大夫周輔成湖南安撫使李鑑孝廉金彥威士品致堯吏部侍郎王元春明工科給事中梁德遠貴州僉事楊廷芳黎平知府劉銓銅鼓衛教諭楊泰慶元知縣康憲慶遠

推官唐佐南京都察院右都御史唐鳳儀江油訓導王朝卿廣昌知縣廉正宗南京大常寺少卿劉應龍浙江左參政車大任山東道御史何太謙壽州同知王尚賢贈尙寶卿新鄭知縣劉孔圖贈國子監學錄羅田訓導盧大受歲貢生車大敬 國朝遙授教授車泌書歲貢生簡文灝接道光府志云鄭之僑日檢康熙十一年李益陽志載入鄉賢者實慶府祀周崎以下凡二十三人^詳陽同梁碧海志於邵陽二十三人後益車大敬車泌皆簡而虛三人尚不失前人慎重之意今核祠中木主較志加一倍之半不知崇祀以奉文爲憑有無郡覆以會典爲主且遍閱近來名志文廟之下卽附祠宇而人名不與焉其苦心可想矣於是歲也之僑撤去木主惟之僑所云二十三人者存今按邵陽周氏有名良士者官臨安同知康熙四十五年崇祀鄉賢斯舉也栗主亦同攢斥其譜云臨安崇祀鄉賢已六十年乾隆癸未郡伯鄭公續修郡志以吾邑入祠人多疑爲冒濫撤去木主蓋自康熙以來入祠者十五人矣其留者僅一人云州邑下士勢不能傲一郡之尊惟垂涕奉主出祠而已今韓家壩固不敢沒其實焉吁其言誠可痛已夫既歷年六十矣府縣架閣文案或微爛不存或存而難檢不可偶一檢及適無其事遂斷其無之僑又謂有無郡覆以會典爲主天下府州縣崇祀之人乾隆時會典何曾一一具載是則欺人之語矣况簡而廣康熙府志無之卽之僑乾隆府志秩

祀篇人物篇皆作簡文灝是其差謬不核實多之僞又何曾遍考哉當時邵州有五家崇祀錄殆不平斯舉而作與今檢諸家載籍及譜牒陽崇祀可考者周良士簡文灝而外尚有王嗣翰王嗣乾見關聖堂畚難著陳憲道陳所廸簡而廸見五家崇祀錄車萬有萬合見車氏譜周天和見周氏譜簡文灝見簡氏譜蓋皆之僞所擅者也意其時必有未奉都覆而冒入之者之僞目擊其事因牽連而及於六十年前之周良士故士林多有不平之鳴按道光府志士女表邵陽鄉賢祠更有嘉禾知縣陳九鶴訓導劉汝能恩貢蔣大年固原州知州吳李芳

忠義孝弟祠在教諭署頭門右

祀唐鄭明胡魯陸賀祥賀冤賀

珍賀璋彭珊朱志尚廩生劉源澄曾士選諸生彭養生童生劉人儼陳邦基廩生唐遇衡李鳳翼 國朝廩生徐翅楚孝子鄧殿一謝上通蕭富烈黃則有

節孝貞烈祠在東關迎春亭左

所祀詳

人物門列女傳

昭忠祠在城南打鎗坪李勇毅嗣後

姚敦詒記

國家建昭忠祠於

京師自王公大臣及偏裨士卒授命戎行者咸設位祠中春秋致祭嘉慶八年復奉 旨於各府州縣建昭忠祠祀本籍陳亡官員兵勇所以優卹死事表報忠藎恩至渥典至重也道光末洪秀全首亂金田侵軼於湖南屠武昌殘安慶鎭金陵爲僞都曾文正公引楚軍轉戰十餘年始就平定按文正以咸豐癸丑治水陸

軍於衛先年子孫自魁公攝郡豪募勇二千部署訓練成勁旅追賊渡洞庭散遣歸農還留最驍者數百人抵皆鄙人及至重建牙召募聞郡勇勁銳可用貽書魁郡伯乞予所練爲嚆矢郡伯乃更就附郭添募資送衛州自是吾州材武壯俊競赴衛應募總同治甲子六月官軍攻克江甯外城賊猶據內城抵死抗拒百計環攻無隙可乘邑李忠壯臣典見我軍地道二十餘穴都無成官軍五萬餘筋力將罷遂於鎗礮叢中親督士卒重開地道誓死滅賊乃先日在側口身受礮傷次日地道火發轟塌城垣二十餘丈猶力疾督隊首先從側口衝進衆軍因而隨入越三日襲創回雨花臺營次又三日遂卒而郭總兵鵬程亦以地道將成時仰攻殞於役武大偉損總兵三吾邑且二人是則文正統帥東下奮義莫先於邵而大功垂成幾墜實賴我鄙人堅忍憤激出萬死不顧一生之計方舉竊盛金陵十餘年之元惡凶豎一旦爛蕪無遺而此十餘年中邑人從征粵鄂江皖浙閩黔蜀秦晉諸疆其死綏必有不可勝數者不待言已已未之變石逆悉黨數十萬撲郡合圍二閱月邑人士佐當事死守待援用能內外夾攻俾賊受重創遁去而各鄉士民遮擊襲殺往往膏血原野甚至父子兄弟相繼嬰斧質而不辭嗚呼自洪逆橫發邕桂蹂躪十六省淪陷六百餘城其圍攻數月而終不下者除長沙南昌兩省會此外厥惟吾郡然則軍興以來鄉勇始於新甯江忠烈大功成於湘

鄉曾文正若夫奮興草澤忠猷奇烈炳烺烺則吾郡實爲方州冠蓋郡邑山峭水激夙矜志節沐朝廷深仁厚澤二百餘年久欲得一當以報一朝會有事變遂克敵愾同仇相與出死力以救危亡猶歎盛哉何忠義若此之隆也郡南文昌宮右舊有昭忠祠縣城隍廟右廟亦書入祠姓名於牌均卑隘不足安神頃邑人建李勇毅公祠蓋以己未解圍之功奉旨特建專祠於吾郡者也既竣工其後基隙地尙廣敦詒因商之楊都轉毓枬曾觀察紀風王太守四琛曾郡丞壽麟當急就此創新祠夫古聖制祀曰以死勤事曰能報大災曰能捍大恩今祠與勇毅同廟異堂功侔體比神必安之皆曰可乃議費由省時試館賃金欸內支銀五百緡圖局支錢五百緡有奇而推勝協戎國獻靈其役祠成外坊竝額勇毅昭忠兩祠內設三龕入祠者斷自成豐初元奉李忠壯居中左右以周節愍等十餘人配享而以偏裨兵勇暨鄉閭士民附之兩廡嗟乎諸君子捐軀殉難雖未秩賤卒皆獲享俎豆胖鑾之報忠魂毅魄陟降上下其必感朝廷德意冥漠中默效英靈俾宇內清和咸理而不徒託諸桑梓已也邦人士享祀奔走其亦必有愷於中而奮然思所以自立絕不以生死利害撓其心者歟抑尤有感焉兩廡附祀第就邑志錄出竊意邑人死事其湮沒而不傳者必多是宜隨時采訪以憑續人若文昌宮右及邑廟之祠均宜籌費拓修用祀成豐以前之忠義蓋不能不厚望

於吾郡之有心者焉同治二年歲次丙子三月朔日記 其有非祀典所及吏民有所私慕而自爲祀或祀或旋廢者則有名伯祠 一在城內分守道署右明嘉靖中知府王嵩建

天啓元年參議楊楷移家運池右後燬 國朝順治十六年參議韓廷苞等改建西門外道光二十五年知府黃宅中等重修附祀列代有惠政於邑者凡二百五人咸豐九年燬於兵同治三年知府邵綬名移建縣街 一在縣東甘棠渡至明相沿有甘棠亭隆慶二年巡按御史鄧光先等復立祠萬歷二十三年知府李某重修明末圯 國朝同治九年邑人姚能庸姚敦貽修復 城內召伯祠歲二祭共銀四兩八錢配享六人周子胡寅張九成陸九淵范如圭潘巖從祀百九十九人漢零陵北都尉習珍督邵陵太守葛悌鄭融邵陵內史戴邈梁邵陵太守周宏直劉棻唐知邵州王鐸鄧處訥司戶韓泗宋知邵州曹克明任中正危祐史方郭遠闢杞陳仲孫朱輅王彥唐文若許忻胡華公王恪通判蔡咸知邵州黃沃傳伯樞史彌甯劉保通判向活鞠詠寶慶知府趙善李大謙趙粵通判桂鏐曾如驥熊朋來教授徐與可許之望司理曾羣教授梁士英韓伯修元寶慶路總管本牙失里達魯花亦罕馬魯丁同知忻都劉官王招孫推官聶炳教授方大年劉秉懿學政寶道翁學錄何志明分守賀興隆楊逢春舒應龍馮露金學曾黃克楨伍袁萃王志遠楊楷黃

公輔郭士亮劉佐寶慶知府嚴恕肅岐周寬戴新姜啓隆謝省胡世甯田岳石鳳方任鄧繼曾陳楠劉啓
東郭學書劉奈陸東李德懋冀光祚凌伯曾林文熊李吳滋熊茂松林龍采同知程斗南蔡中孚劉邦奎彭
謹孟津通判劉魁魏大本何三傑推官李清楊廷闌丁啓容劉仕登李夢日經歷莫如德照磨梅審祚教授
胡淮朱杞王世定訓導危忱高驎皇清寶慶知府張維養傳鸞詳梁碧海王和宋吉金俞存仁王璋徐以
豐鄭之倫夏家瑜柳邁祖譚光祐同知蕭嘉熙宋燦唐宗堯何璘通判白美玉董承焜推官朱應昇鄭繼宏
顏象龍教授黃師憲蔣載熙管帶陽令潘京唐師陽令韋昉宇文宜禕謹輝莊齊縣丞潘滔縣尉程質宋知
邵陽縣侯延慶周嗣恭主簿邵煜胡伉朱敏元陽縣尹溫淵范天貢縣丞鞠志元教諭黃文孫明邵陽縣
知縣薛德中貝秉彝何永芳黃惠嵐泰王永徐淮何問金麟馬才掄鄭守渠經仁本趙維坤張鍵洪文淵吳
士昂劉登庸喻應問黃孫茂張軌端縣丞周舟陳式羅欽蔣雄才主簿楊幹黃琢冉帥舜訓導徐良教諭劉
同符匡鄒文元李廷桂王紱典史李棠皇清邵陽知縣楊演顏堯授蔣其昌張起鵬王省陳啓元李霖王
昭被鄭良相高應選楊墳肅聚良方世仁縣丞許名朝張銓教諭王之祚訓導周崇文李上苑邵陽劉淮陳
祖義周大晉鄧顯鶴召伯祠記寶慶稱古南國宋以前爲邵州說者謂召伯循行憩蒞實經其地今附郭

縣治東三十里故有甘棠渡召伯祠在焉見於宋王象之輿地碑目宋人文集中往往稱引爲故實其來久矣古老傳聞前明成宏間棠蹟猶存居人以游觀之機伐去當舉至求其人以治之隆慶初直指邵公光先經其地其感異夢橄參職張公仲謙郡伯陸公束修復立祠萬歷中郡守李公復橄邵陽令王君格丞黃君希舜拓地重建而郡城內故分守道署之召伯祠則肇於嘉靖癸卯太守餘姚王公嵩蓋在邵公橄修甘棠祠之先二十五年天啓改元參議楊公楷復移建於愛蓮祠右其時兩祠相望守土君子汲汲修治不遑如是明末均燬我朝順治十六年參議費城韓公廷芑太守齊東張公惟養邵陽令潯州濮君萬鑑始遷建於西關外春秋致祭皆於其所今又二百年雖其間時有修葺而歷年既久傾頽特甚道光二十有四年河曲黃公權守寶慶甫下車瞻謁祠宇慨焉興嘆以修復爲已任越明年時和歲稔百廢具舉乃屬邵陽令桐城汪侯鼎而新之凡爲堂一爲廳一前爲頭門堂後爲房二以樓縹流門之左右爲兩鋪舍召民居以其租入備歲修亦以便居守時啓閉也堂高庭廣繚以累墉庖福燕息寢處坐作一切器用備具又出私財置租以助祭祀凡費緡錢六十萬有奇不假公帑不資民力三閱月竣事可謂勞矣工成侯自爲記來轍予嘗且商所以附祀於廟者先是顧鶴來領濂溪講院事時郡志歷久缺修黃公以編纂之役謹諉因得歷考邵州

晉郡以來郡守士諸君子勳蹟代不乏人而名宦之祀寥寥議擇其尤昭著者附祀召伯祠以志甘棠之愛公兩建余言未幾公權守大定去侯以謂其議出自顯鶴不可中止也因其事專屬顯鶴乃盡叢史傳官書彙徵父老傳聞軼事凡得統郡守士及佐貳儒學若干人謹議於堂之中爲三龕中祀康公以宋周子以下六人配享左龕從祀贈邵陵太守習公珍以下一百二十七人右龕從祀晉邵陵令潘公京以下七十二人都二百五人皆依時代官賢順敘而大書其爵里諡號名姓於上嗚呼郡始建至今千七百年矣地小而瘠代曠縣邈治少亂多非特有賢邦君父母鎮撫而綏輯之吾儕小人其能安井里而長子孫綿綿延至於今日乎今以州民而進退千七百年以前之邦君父母其意良厚其迹近僭顯子實生我躬被焉而不知感世受焉而不圖所以報又豈所稱斯民直道之公也旣以復汪侯且記其緣起於郡志禮書之末垂示將來俾後之從事於祠者有所考焉侯皖桐巨族世父尙書公嘉慶初總督湖廣以清潔著天下所稱稼門先生者也家有治譜侯館謹守而敬承之造福於吾民當未有艾甘棠之愛獨鄙人所得私哉祠在今縣治西門外二里許襄其役者縣尉吳君士斌寶慶府舉廩生王生遐襄也始終弗懈王生之力尤多例得並書楊廷蘭重修召伯祠記召伯祠者周召伯循行南國人貌之以永其思者也按郡志南國在荊州辰沅間

而考之禹服邵陽古荊州城隍接辰沉云宋濂溪氏以零陵通守來攝邵事解邵州之名從水從邵語在傳中可覆按也故老傳說咸宏時棠堦尙存寬可數丈許郡守薦紳先生子弟歲時逞觀之而四方之名人游客鱗至摩集觀者如堵牆蓋其地故無兵火之厄傳說良有據焉亡何傍近居民苦車馬相踐舂鍤不使而游者斂其采薪則又苦竊伐之邵守鈞陽郭公雖置之法而遺蹟不得而存乃召伯之精英靈爽何嘗不依依在此棠也直指邵公代斧鄆郢從衡入邵甘棠其所經道先一夕夢神人謂曰我召伯也甘棠我布政也爾存之至果有甘棠銅停膝下詢吏士具以對於是檄守巡兩使君即棠之側祠而祀之父老人人加額喜以召伯之澤斬而不斬庶幾乎亡於棠者之棠未亡也歷年以來廟宇漸圯而居者以爲治躔所則又襲余乃口之郡伯李公承純公別駕王公檄邑令王君格郡領朱文盛邑倅黃希舜尉禹萬鑑襄其事而黃倅偕姚指揮使實專蒞治之先是祠僅一棟且湫隘余乃命黃倅闢其傍地鋤其草萊增之爲三其一門其一堂以妥召伯靈而後爲一廳以舍游者前置坊題之曰召伯遺愛祠識所自始且令游者便觀覽也從祠百武而上爲亭亭有碑乃召伯舊憩所復開拓之工成王明府乞言於不佞不佞日思深哉南人乎不佞披覽載籍以舫登洛鎬所被服漸摩化濃澤洽甯獨其天姓然蓋聽觀邇則教易從民志易厭也卽汀漢猶是波

及之若所稱召伯循行者僅僅一足跡之到非有日融月洽之久也乃懷思者至一憩息之樹而愛之萬禩後其留遺蹟雖斲於居者之手然而更新其廟卒不以此棠爲存沒也誰謂今之人非周以來勿翦伐之心歟明興道化邦隆含生戴髮之族皆爲臣妾而邵陵文物與周岐豐不少讓頃歲大歉民無積糈物值騰踊直之疫癘札瘥死亡枕藉於道至茹蕨啜草以活旦夕命安得一召伯勞來澳咻而乳哺之也故是祠也肖召伯也志南人之思也司牧者倘以治行肖召伯乎安知南國之人不生而肖之如肖召伯者也

濂

溪祠祀周元公乾道八年邵州學復治平舊址知州胡華公繪周子像於學之東廡而祀之淳熙六年知府汪格建祠於講堂西以無垢先生合祀名周張二先生祠紹熙五年知州潘巖又於學東闢堂特祀濂溪嘉定十二年祠隨學遷紹定三年知府趙善因治平舊址立濂溪祠此皆在縣學不知何時遂廢嘉靖二十一年參政楊逢春始立祠於東山刊朱子了翁二記於祠側崇禎末燬順治間重建書院康熙元年知縣顏堯揆始設龕於書院移四先生主於中乾隆中鄭之僑又增二程子主爲六先生祠初明郭學書立祠於愛蓮亭祀周元公而以通判劉魁祀崇禎十一年陶珙以東山濂溪祠頽廢即景濂堂後爲祠以祀周子而以無垢晦菴子壽三先生附焉明亡祠圯康熙初移四先生主於東山道光十二年知府惠體廉就愛蓮池後

復建周子祠咸豐同治間知府邵綬名等重修 濂溪祠歲二祭共銀四兩八錢 汪立叔邵州周張二先生祠記治平四年濂溪周先生以永州別駕攝邵事遷學於城之東南隅厥後更新易故興廢不常乾道八年太守胡侯華公乃即治平舊址以建今學東麻繪先生之像而祀之後七年汪侯恪來蒞郡政謁先生之祠喟然嘆曰自孟氏沒聖學不明千有餘載先生獨心得之立象著書發明秘蘊河南二程先生親傳其學後之學者得以興開斯道繫誰之功興盛德之容務世瞻仰與學校相與無窮可也今祠宇卑隘若是豈所以尊崇先哲之意哉乃易置其祠講堂之西又以無垢先生張公嘗守是邦學之淵源出於伊洛因合祀於先生之堂既訖事諸生咸曰厥今郡縣之政率以理財賦治緣訟爲亟至於化民成俗之本例以迂緩不切視侯之來首明庠序之教追祀前哲以矜式士類盛舉也願記之以詒來者立叔職在學官其敢以辭鄙譾薄爲辭竊惟汪侯之意蓋欲學校之士知所瞻敬退效其遺言往行以講明爲學之道昔廟學之成濂溪先生行釋菜之禮告於先聖有曰儒衣冠講道業者列室於廟中朝夕瞻睟容心慕至德日蘊月積幾於顏子者有之其所以望於學者固不小夫人之所以興道相違欲勝而天理滅也學者之學切問而近思精義以致用窮則行之家行之鄉黨以盡乎父子夫婦長幼朋友之倫達則推之國推之天下以求乎致君澤